

清

史

稿

清史稿

列傳一百四十

馬如龍

楊玉科

李世達

夏毓秀

楊國發

和耀曾

蔡標

吳瑞輝

何秀林

張保和

馬如龍雲南建水人本名現回中世族以勇聞咸豐間滇回僂擾如龍以武生起檄江自立爲僂帥時杜文秀僭號大理如龍遣使與通授以僂職不受始有鄰亦據有新興昆陽晉甯呈貢嵩明羅次易門富民入寇省城勢駿盛同治元年巡撫徐之銘復主撫議提督林自清臨陣宣播朝威招之歸款如龍自稱三世効忠愿反正岑毓英單騎往諭如龍益心折與盟南門外悉反侵地朝旨破格授如龍總兵楊振鵬等分署六營武職是時臨安獨撫撫局如龍怒率師鼓行而南戰失利署臨元參將聚士美奪其旗鼓如龍被創仆左右負以奔總督潘鐸嚴檄其撤兵如龍阻於士美軍弗能達明年授鶴鹿鎮會回弁馬榮據省

城鐸被害如龍聞警即致書士美約共釋私仇雪公憤士美許諾期相見臨安城下如龍始士美洋槍士美亦選勁勇助如龍如龍迺星夜旋軍與毓英共擊之斬馬士鑾馬有才於陣榮宵遁遂代自清署提督武定陷如龍遣參將馬青雲等馳援守備夏毓秀先登克之連復十餘城文秀聞而忌之致書馬德新痛斥如龍自殊同教如龍亦遍馳書迤西回民厯數文秀狂悖及德新不諳大義勸勿爲所惑德新入省申割地媾和讓如龍力止之事遂寢其秋攻克尋甸禽馬榮解省伏誅毓英攻曲靖回懼原執馬聯升以獻乞貸死如龍馳至軍前力爲請命許之剖榮尸祭鐸迤東平詔加提督銜賜號效勇巴圖魯五年命主迤西軍事圖大理以振鵬攻賓川副將李惟述攻鎮南昭通鎮總兵楊盛宗取道四川攻永北署騰越鎮田仲興攻蒙化護普洱鎮李錦文攻威遠並受如龍節度六年如龍軍次祿豐適大理回入前場關遺總兵合國安副將楊先芝大破之振鵬性陰鷙不甘爲如龍下至是聞勞崇光卒叛志遂決而國安先芝亦懷二心日與寇使往還軍心迺解體無何楚雄大姚相繼告警時如龍駐定遠軍

數夜竄羣目或擁兵觀望或臨陣先奔或竟爲寇充鄉導如龍知勢已去迺稱疾還省自是文秀遂輕視如龍矣七年大舉犯省城如龍以回練不足恃迺專倚漢兵守城斥私財三萬金米三千石濟軍晨夜登陴守擊寇梁家河破之寇稍郤初振鵬之叛也約國安等爲內應至是國安謀刺如龍事覺誘誅之先芝等頗自危會如龍出大西門擊寇戰方酣先芝等遂倒戈回刃如龍幾不免亟馳入益兵禦守於是馬世德馬文照馬葵等相率叛歸文秀逼南城據江右館人心大震適惟述馬忠援師至勸其與毓英協力如龍然之踵軍門上謁毓英推誠慰勞勗以報國如龍益用命俄而文秀遣悍黨數萬出賓川如龍分部兵二千禦之武定附省回久閉門不戰突出奪大虹山二壘如龍親擊之拔其一毓英攻澂江馬自新率衆往援未至如龍諭知之遣馬興勤馳入襲兮計斬自新外援頓絕澂江既下又分兵攻城外賀家村小魚村下普坪並克之八年與毓英攻江右館寇轟拒洞穿如龍甲卒大破之先後連克武定羅次更勇號法什尙阿已而澂江再陷城外寇勢復熾毓英攻城南巨壘如龍方臥病聞槍礮

清史稿
聲力疾赴前敵攻克五花寺羊神廟乘勝逼江右館如龍先登彈中腹踏地昇之歸毓英上聞賜內府丹藥予實授復與毓英分軍攻安甯各隘阨寇歸路羣回益蹙其曾段成功蔡廷棟先獻款如龍扶病出城與毓英嚴兵以待成功等率五千人伏地請罪南關告甯遣兵攻克西壘時毓英克江右館俘虜多如龍躬詣寇營勅回自相斬獻省城圍始解餘匪併入土堆師攻昆陽亟回舟赴省乞撫振鵬畏誅猶喟負如龍渡漁池至遺將執悍目馬似良陰散其枝黨聲某日還振鵬出送捕治之昆陽平毓英攻土堆如龍率師來會縱火攻之省城外遂無遺寇九年如龍出督新興軍田仲興戰死如龍亦被創斷東溝因之拔其城遂統全軍赴河西擊東溝溝分大小二寨合國治馬成林分居之並背山面田勢險奧踰歲先攻小東溝盡還河西壯助擊回懼縛國治乞降受而誅之進取大東溝如龍陷陣爲槍所中創甚越三月小差直抵龍門村奮擊破之全滇底定賞黃馬褂十三年調湖南光緒四年創發乞歸如龍性豪縱筦雲南提篆日惟娛聲色巡撫賈洪詔彈之置勿問既閑廢徙居四川重慶蓋不自檢每

宴客招妓侑酒琵琶聲中輒慨道少年時事云十七年卒歸如制

和耀曾雲南麗江人父鑑大理城守營都司咸豐二年太和回謀亂往覘之被殺詔贈雲騎尉世職耀曾襲矢復仇毀家募士與賓川廩生董文蘭會師洱河兩克大理及鄧川上關以義勇著遠近爭歸附楊玉科張潤並隸麾下後皆爲名將總督吳振棫薦其才署中營守備十年擢維西協左營都司明年大理回來犯敗之於橋頭已而祿豐昆陽陷復率把總高聯甲戰石鼓大破之乘勝攻克麗江留土弁王天爵駐守而自引兵規鶴慶寇乘隙再陷麗城耀曾軍失利退守石鼓同治元年再克之遷參將徙頓曲靖夷卡耶寇巢略昭通戰公雞山龍洞師弗勝與護昭通鎮楊盛宗往援斬其酋所朝陞遷副將徙守富平八年城陷褫職逮問尋以克楚雄祿豐資勿治留軍自贖十年克澂江復官明年攻迤西連破蒙化趙州上下關於是大理藩離壘失是冬穴地道轟其城拔之又明年取大小圍埂積助曾記名總兵賜號達春巴圖魯自是與玉科定錫臘下順甯破雲州擢提督進克小猛統大吏以叛產予其殘廢部伍固辭弗獲迺斥

家財遺之歸而以其地佐書院餐錢及賓興費並還開敏子弟集屏字延師課
讀又與李惟述克騰越全演平賞黃馬褂檄署永昌協永昌自遭喪亂比戶凋
殘耀曾至撫流亡除苛擾革姦暴教之治生民漸復業時烏索賊柳映蒼復叛
奉檄與總兵徐聯魁等會擊十三年克之以次削平土司諸地光緒二年參將
蘇開先誘練軍譁變據騰越王道士與合順雲豪奸悍卒乘機竊發永昌練目
李朝應之掠施甸迤西大擾岑毓英以耀曾諳究邊情奏署騰越總兵耀曾爲
固本計先赴永昌調團守隘率師追討擊潰李朝餘黨悉平總督劉長佑謂其
不即至劾之鐫二級論克順雲功免議權漢中鎮總兵六年詔各省督撫舉將
才毓英以耀曾應擢授鎮遠鎮居鎮十六年節虛糜贍儲積爲置管田建兵房
製器械軍政大治復以其餘設義塾平道路勸農桑士議謂有儒將風二十三
年卒民感其德請附祀毓英祠麗江亦建祠致祭焉

楊玉科字雲階寄籍麗江其先居湖南善化既貴還本籍同治初從和耀曾討
回岑毓英征曲靖識拔之命領百人爲前鋒積功至守備四年署維西協李祖

裕叛殺把總陳聰毓英慮生變檄玉科代之玉科至刺殺祖裕宣諭部衆皆扶服遂克麗江鶴慶繇是顯名俄而杜文秀來援擁衆可二十萬玉科所部止數千人屢戰弗勝二城復陷玉科潰圍出走永北六年從克鎮雄長驅豬供等海馬姑與有功敘游擊七年西寇環偪省城玉科繞四川會理間道襲元謀馬街規武祿抄其後克之進平羅次八年平柯渡可郎邊副將賜號勵勇巴圖魯乘勝規嵩明下尋甸毓英奏令主三姚軍事連復大姚浪鄧省城圍解擢總兵明年破姚州土城被巨創益開地道三十餘穴雷發北城陷遂拔禽僞將馬金保藍平貴三姚平擢提督易勇號瑚松額無何州西警復令主大理麗江軍事發全師速援寶鄧遂敗寇雲南驛其冬克長邑村進規鍊鐵禽僞都督楊占鵬於是大理北路定權開化鎮總兵十年春克寶川初永昌之陷也玉科爲僞將馬雙元所得見其人可用勸歸命與訂交屬異時得志相援手縱之歸至是約爲內應克之署提督攻大理小關邑寇詐降設座禮拜寺約玉科往比入心動命移座勤如故命再移有間地雷發得不死玉科怒手刃四人雙元銳身護之出

竟復其地踰歲連下漾濞趙州進規大理其地東臨洱海西倚蒼山自文秀竊據內築土垣包僞禁城其中玉科掘隧以攻轟潰東南城諸軍踏隙入寇死拒復窖地雷破之頓蓮花池益帥五千環攻城文秀開壁出盪親擊之敗退飲毒不即死其黨蔡廷棟昇以獻氣息僅屬割其首解送省城毓英至廷棟佯乞歟陰埋地雷於行館迎玉科玉科諾之潛至僞府據礮樓大呼兵士爭血戰毓英隱卒城外度玉科已達乘夜梯登兩軍既合巷戰竟日寇披郤越數日奪門走克僞都獲文秀家屬及廷棟等百三十人捷入賞黃馬褂予騎都尉世職十二年克錫臘順甯移師協取雲州再予一騎都尉全演告甯改一等輕車都尉明年入覲垂詢演池戰狀視傷痕惻然光緒改元還署任賜頭品服曾錫二等男是時滇邊野夷殺英官馬嘉理英公使訴於朝朝旨趣捕急玉科搜獲而通四腊都等十五人鏁送省城伏誅諱定會鄧川羅洪昌謀亂襲州城遂移師馬甲邑克東山禽渠率二年移廣西右江鎮創發乞解職疏甫上適蘇開先陷騰越勢岌岌玉科力疾視師不百日悉平之被賞資三年徙廣東高州鎮六年署陸

路提督坐其姪汝樹仇殺知府孔昭鈺鐫三級尋復十年法越事起率師出關
扼觀音橋法軍至設三伏敗之聞谷松警亟往援而敵已乘虛入數戰皆利明
年法以重兵入關教民應於內玉科曰吾百戰餘生今得死所矣開關搦戰中
礮亡諸軍皆潰至無人收其尸李秉衡莅關迺歸其妻牛氏殉焉追贈太子
少保謚武愍予大理鎮南關建祠毓英所部多驍將玉科外首推李惟述惟述
起錦江紳團嘗與和耀曾施方略謀所以緩寇故省城獲保無事逮馬榮敗回
衆走城外猶留頓弗去毓英患之召惟述計誅其悍將惟述一日天
晝明惟述率千人入其壁悍將方沐誥所來惟述曰奉上官檄討野夷不識路
徑故來問惟述將指畫以示惟述從其背擊殺之大呼曰爲兵者出前門從逆者
出後門回衆驚散省城遂無寇蹤累助至都司補鶴鹿鎮游擊克楚雄遷參將
署維西協與經歷鍾念祖分攻廣通南安下之補順雲協署開化鎮總兵仍留
駐其地無何寇涌至城再陷惟述慮殘民佯議和卒以計脫歸坐免是時省城
復震馬如龍專倚漢兵守城惟述分領其衆內誣奸宄外禦強敵省城復安論

功復故官從毓英攻楊林寇敗潰然猶堅守小偏橋十里鋪冀斷我糧餉惟述乘勝克一撮綬蕭家山又與岑毓寶攻克石虎岡鍾道始達進平羅次復楚雄軍勢大振已而州西又告急毓英謂西軍弛律咎在諸將不和迺以大理麗江軍事屬玉科而屬惟述以雲蒙趙惟述遂攻克鎮南鎮南爲大理屏蔽寇以全力死守至是拔之寇益蹙上念其苦戰賜珍物迤西用兵頻歲飢饉先是惟述遣軍攻雲南久弗克彌渡亦旋得旋失嗣與玉科謀迺檄諸軍毋浪戰期秋穰整軍屆期果大破雲南驛分兵略彌渡並克之又與玉科會軍蒙趙杜文秀者故永昌蠻初置大小圍埂其據大理也圍埂回資助之玉科圖取大理惟述亦統兵克大圍埂而小圍埂猶據壁自保踰歲蠻克之檄署騰越鎮收其地進攻烏索未下遭變歸不復出久之卒於家初玉科嘗殺仇持其首謁毓英意詰責即爲變毓英笑勿問且善撫之惟述性贛直業驃馬初不知希榮貴及奉上賞號名之其榮幸朝命如此平滇楊李功爲多而玉科用兵則尤神於出沒云

蔡標字錦堂貴州威甯人家貧落魄無以自資入滇設湯餅肆宜良以贍略稱久之充練目從岑毓英軍克宜良路南補把總同治二年馬榮據省城毓英堅守藩署晉與城存亡標領死士數十人潛至叩門入毓英驚喜標問有軍械否曰有標曰寡不敵衆奈何當爲公募兵遂往宜良路南鳩集舊部得千人毓英賴以成軍藩署獲全標之力也及馬如龍至標率衆力戰榮敗走從征迤東西連下十餘城進規曲靖寇襲潘文元營標率三百人頓陶家屯阨後路張保和蹙寇至海塲標分兵要之寇潰入城克曲靖遷守備賞花翎五年毓英西征標引兵從時鎮雄降寇復叛漆維新據碭子山李開甲據礦硔山毓英策先攻角奎令標爲前驅抵雄塊寇出拒大破之連拔二山斬二逆明年從攻豬供等與諸將直擣中堅下之移師海馬姑奪紅巖尖山乘勝薄其柵標賈勇先登諸軍鼓譟繼進禽渠率凱旋擢游擊七年署鎮雄營參將會杜文秀偏省垣標出宜良湯池略七旬未幾武定祿勸連告警復與楊國發攻富民縑寇勢寇攻楊林亟標往援連破小街白龍橋丘壘丘甫得旋復失勢益熾標入自長坡寇殊死

戰不可敗翼日自石子河踰文筆山而下佯北誘寇入攻克東山寺盡夷楊林
寇壘八年春援師宗攻破洛紅甸豆溫鄉拔其城於是嵩明富民相繼收復省
城始安明年威甯陳大桺據紅崖楊紹貴等據香爐山四出剽斂標越境助擊
誘執陳曾鑠送州城吳奇忠亦破香爐山事甯擁標總兵十一年諸軍環攻大
理僞城標略其南力戰一晝夜克之南門寇欲竄下關標復自城追出截擊之
無倖免者督提督十二年移攻雲州抵猛朗望見寇壁堅緻標曰此宜先絕外
援也迺遣陸純綱等阨邦蓋內弄而自率師克猛朗殲其曾丁雁甲諭功賞黃
馬褂檄署鶴麗鎮總兵全師抵城下標攻北門段瑞梅等自東南梯而下轟擊
之盡殪又先後平永北賓川妖匪騰越烏索降匪開化大窩子竄匪更勇號額
爾克光緒二年入覲道貴州毓英留統威甯練軍阨守要隘已復平梵淨山餘
匪桐梓會匪湖南董倒寨回匪七年毓英移撫福建標率滇軍渡臺詔補雲南
開化鎮仍駐臺北踰歲赴本官十年法越事起標募舊部出關宣光臨洮數戰
皆利其守富良江偏掘地營法礮不能中岑軍駐河內者遂不爲所窺著有地

管圖說甚明。督十三年署雲南提督毓英檄治裸黑山軍事，標率師前進，併力合攻夷，緣江百數十里，誅其魁張春，發拓地千五百里。二十年錄平永北夷匪廣南游匪功賞，雙眼花翎頭品服。越六年再入覲會兩宮，西幸卽赴行在隨扈。入陝抵西安，廷旨命招舊部尋坐約束，不嚴褫職。詔念前功，予留任。明年還滇，以所部罷弱解遣之。釋處分三十一年徙廣東瓊州鎮，次年卒，附祀毓英祠。予威甯建祠。瑞梅字春堂，籍劍川。有勇略，年十六從軍，隸毓英麾下，戰常陷堅。攻豬供，督柯渡，大理並冒險進歷龍陵。營參將雜西永昌協副將同治十三年入觀賞黃馬褂子雲騎尉世職，擢記名提督尋署騰越鎮總兵。光緒間以邊兵亂城陷，隨復之後卒於官。

夏毓秀字琅溪，雲南昆明人。少以義勇著，滇回亂以堡長從軍充選鋒，昆明被圍，久糧餽阻絕，道殣相望。毓秀率團勇助擊，道始通。補千總，帥克路南祿豐積助至守備。同治二年卒，毓英引兵西遣，毓秀略富民禽其酋馬富富，馬榮弟也。乘勝克嵩明、陸涼、武定，署參將。毓英慮元謀回撓後路，使毓秀要之攻克，附

城巨坐逼攻縣城被其糧路寇患飢乏棄城走進復馬街三年回曾李芳園陷白井擊郤之規曲靖師屢失利毓秀至寇狃數勝易視之且登城作謾語毓秀憤甚率死士先登疾擊之寇大潰合兵下霑益馬龍明年補提標右營游擊統領四十八堡民兵七年西寇陷祿豐毓秀敗績退安甯分兵阨腰站祿肢踰歲寇涌至再敗毓秀退入省城坐免官已而寇大舉分道入馬如龍出大西門禦之參將楊先芝等倒戈相嚮毓秀被重創又明年攻楊林擊破十里鋪復官毓英規安甯毓秀自筭郎繞出碧雞關下潛師襲大小普坪克之進取獨樹鋪會岑毓寶復其城九年論克廣通南安功遷副將十年攻東溝寇出拒敗之師深入毓秀陷重圍逕路危陘棄馬步戰身受十數刃如龍馳救昇歸壁暈眩死有間蘇將校環泣毓秀慨然曰丈夫以身許國馬革裏尸固大快事奚悲爲聞者莫不感奮創小差整軍復進卒夷寇壘擢總兵賜號利勇巴圖魯移攻雲州寇築碉環城誓死守師久攻不下毓秀先分兵奪碉孤城危棘寇無固志遂拔之以次復騰越及大小猛統十三年入覲上垂視傷痕慰勞備至益感激愿用命

會創發乞歸光緒二年赴四川統領省標十營七年松潘番蠢動數擾邊命署
總兵治之既至禽首惡撫良懦番民以安其地固荒服設學額百餘年多爲他
邑人所占謳誦益寂寥毓秀方夷大難即選聰穎子弟入署讀書斥私財建書
院廣延名宿崇化厲賢至是始聞弦歌聲九年實授莅鎮十載培堤岸濬溝洫
儲倉廩士民德之至建生祠以祀二十年朝鮮亂起日軍侵奉天毓秀自請赴
前敵比入京而和議成會鹿傳霖出督四川奏毓秀自隨於是再莅松潘鎮任
初甘肅循化番族拉布浪寺夙强悍數越界侵掠毓秀初莅鎮遣兵防守安撫
餘衆而拉部擅命如故既復任遂率將士出關克碉十餘禽渠率斬以徇諸夷
諸夷皆扶服莫敢惕息蜀邊甯靜擢提督巴塘西三巖野番數入邊商旅苦之
號稱夾壩毓秀率衆入其部落招誘首領宣播朝威動以禍福利害諸番皆束
首歸命晉頭品秩二十六年授貴州提督會拳亂作亟統兵入衛抵蒲州車駕
西幸命率師駐韓侯嶺許專摺奏事明年調湖北命分所部留守太原毓秀以
三子瑞符領六營詣防而自率全軍隨扈北上尋移廣西踰歲行次廣東總督

陶模奏署陸路提督九月還湖北宣統二年創發卒於官謚勇恪毓秀性忠樸不治家人生產治軍數十年布衣蔬食見者不知其爲專閭云

何秀林雲南宜良人少從岑毓英軍攻羅川製定遠略曲靖每戰必克累功至守備討緒供箐寇悉銳出圍攻姜飛龍前營毓英往援令秀林策應於是夾擊大破虜復進擣中堅禽其酋陶新春合師剿克海馬姑遷游擊同治七年西寇圓省城從毓英自宜良七旬破大小石壠麻苴新村進取大樹營鍤道達移師呈貢敗曾甯昆陽援賊拔其城遷副將賜號效勇巴圖魯攻澂江迭克要隘直薄城下城寇遁毓英攻西北二門秀林助之張元林敗入城官軍梯而登馬忠入西門秀林入東門元林懼仰藥死澂江平與李廷標協守楊林八年寇犯邑市舊縣防軍告亟秀林赴之連破馬家冲前街邑市會廷標亦往援馬龍兩軍以無主將失和寇蹈環入楊林秀林聞警馳還厲衆堅守而都司楊桐等先潰秀林遂陷重圍李惟述援軍弗能至秀林力盡潰圍出被巨創退保宜良北屯楊林陷坐免秀林管員何裔韓傷重幾死猶攜文卷以行與秀林收集潰兵赴

省助戰大板橋之役與有力焉其秋攻易門與署知縣周廷獻克西門大小龍口及黃泥堆斷樵汲分兵佯攻西北誘寇出而遣將潛襲西南秀林督軍衝入寇惶恐僞乞撫秀林弗許卒大破之復故官無河粵寇陷祿豐秀林約練目丁同義反正同義倒戈以應秀林分軍奪門入禽渠率城遂復曾總兵九年師攻激江秀林破城外五山巨壘寇掘地爲營師久無功秀林詐退隱卒誘之回曾馬敏功等墮其計並殞於陣館驛遂無遺寇進克瀕夸擢提督明年補普洱鎮總兵光緒十年法越事起從毓英出關統三千六百人駐興化法軍退宣光勒兵而進丁槐軍西南秀林軍東南攻大寺大寨破之城內法軍開壁出盡秀林所部中彈數十人戰益力法軍馳入壁城外壘榔林立礮臺碁布秀林數攻城爲所絆迺開地道轟潰之於是攻城無所阻遂逼城而軍十一年法軍數萬來援劉永福軍潰秀林遣馬維騏往救堅守地營敵不得逞已而維騏亦被困秀林至法軍迺解去周視各營傷亡既衆不獲已退頓城下策敵必猛攻豫窖地雷以待敵果至雷發法軍死傷枕藉秀林迺從容集殘軍退保同安圖再舉和

議成罷戍移歸元鎮十六年卒

楊國發雲南建水人討雲南貴州匪以戰功數遷至守備咸豐十年冬署提督中軍謀攻富民國發長左翼諸生張執中導之出麥廠問道克黃土坡永安莊入城圍攻之寇棄城走邊都司賜號果勇巴圖魯明年進剿祿豐及廣通各井皆下之同治二年從岑毓英西征連下十餘城直趨楚雄國發先克古山寺雙橋巨學飛炬焚之奪東門入城克會大姚告警國發領兵赴救破援賊桃花村合城關知縣朱士達舉火應約期啓關大姚平移攻鎮南以寇援大至檄還省三年擢元新營參將與諸軍拔曲靖並復霑益馬龍再遷至副將四年廣西州土寇竄亂殺游擊陳萃知縣李瑞枝國發率師討之斬其酋張顯境賴以安越三年西寇圍楚雄亟國發從閑道入與守將李惟述日夜鏖戰經月餘攻不克糧盡援絕城陷國發冒圍出仍繞道還省七年寇分路大舉一自富民據城西北一自安甯據城西南毓英入援遣國發陝楊林俄而李芳園等悉衆來犯勢張甚國發告亟毓英使蔡標赴之與國發破小街白龍橋旋爲寇所乘地復失

乘勢逼城下縛草束薪累積如堵牆列槍礮其上俯擊城中謂之柴碼兵將士
損折過半國發不獲已再告亟請援師毓英自將兵破之檄國發署普洱鎮總
兵頓師桃園接應諸路八年尋甸回圍馬龍國發至會諸軍戰郤之夜將半進
掩賊營乘風縱火煙張天盡焚其壘圍解轉鬪逐北連破十里鋪小偏橋長
坡六十餘里遷總兵規彌勒竹園村馬世德構開廣回來援國發破之趙林寨
十年攻雲南縣與惟述會軍普淜分道入國發迭克要害寇竄觀音寺國發麾
兵擊之又毀七碉直薄城下與惟述軍合十一年轟裂城垣三十餘丈相繼而
登巷戰一晝夜拔之留所部守其地秋徙鎮下關進圍榆城先後克大小閩埂
擢提督賞黃馬褂更勇號綽勒歡十三年再擢普洱鎮光緒七年毓英撫福建
國發率師駐臺北明年還雲南十年從毓英援越南宣光臨洮每戰皆克予優
敘二十六年卒附祀毓英祠予本籍建祠

張保和雲南帥宗人初從岑毓英討回寇積功至守備同治六年越境討豬供
筭屢獲勝寇竄海馬姑復與蔡標等合擊之攻大寨悍酋張項七死拒保和執

矛以刺墮馬髮其首寇氣懾諸軍乘之大捷遷游擊明年西寇圍省城毓英入
自曲靖遣保和爲前鋒攻克石虎岡馳救邵甸破之移師楊林迭克要害皆揮
矛衝陣所向輒靡寇見保和旗幟即反奔無敢與抗者數負重傷裹創力戰氣
不少沮先後攻克呈貢晉寧富民嵩明大小百餘戰未嘗一挫省圍解遷副將
賜號揚勇巴圖魯署楚雄協規昆陽道都司陳貴等自津徑取河西鄉而自率
師攻仁和街越牆而入手刃悍寇數人一鼓克之河西亦平於是城圍合保和
揆形勢謂宜先克海口因勒兵以進村民爭迎附二十餘寨皆下遂復州城署
開化鎮總兵九年春攻彌勒竹園馬世德赴救保和迎擊之身先陷陣彈貫鼻
及眼血盈面士卒憤廻卒大破之連克上下壩竹園平赴本官更勇號曰剛安
進取茂克戰數捷阿迷大莊望風禦憚奪後山增築礮臺俯瞰其寨日夜轟擊
之汲路絕寇駁乞降保和許之收器械捕惡黨徒降回大莊十一年以次復田
心日者鄉時趙發攻瀘今未下保和自開化馳剿直抵馬街破上下兩寨徒降
回新興擢提督十二年論克騰越功賞黃馬褂授鶴麗鎮總兵十三年開化大

窩子土夷復叛毓英收撫之檄保和再莅開化鎮任發兵二千責千總李瑞等戍其地瑞等縱兵凌虐於是土夷大憤踰歲光緒改元回酋馬河圖嗾與漢民閔保和欲樹功與署知府姚嘉驥侈張其事請調兵數千發餉巨萬剋期大舉毓英廉得實斥之保和怒迺罷戍以失守聞毓英遣何秀林進擊保和謂將至宵入燔數寨稱克復毓英迺罷保和明年調湖南永州鎮三年卒保和在演將中以智勇著功亦盛其卒也年未四十時人惜之

論曰演回初起勢頗盛自如龍反正其氣始衰然非有以善馭之勦撫兼施演事亦未易定也耀曾善于結士玉科神于用兵標等皆善攻堅而毓秀忠樸兵後能崇儒興學尤稱知本民建生祠以祀之宜哉

清史稿

列傳二百四十四

蔣東才

劉廷
李承先

李南華

兄子
齊謹

董履高

董全
董全

曹德慶

牛師韓

馬復震

程文炳

方耀

鄧昭
鄧昭

蔣東才字軼衆安徽亳州人咸豐初捻酋張洛行圍城築礮臺高阜俯擊城中東才兄遇害憤甚迺創義團爲官軍前驅會城中糧盡東才殺馬餽士與同邑劉廷李承先夜縋城出襲燐之寇遁四年投豫軍英翰器其才俾充哨長戰亳北被巨創卒禽其渠南道團練大臣毛昶熙檄領東震營累助守備商邱寇之據金樓也東才築土爲山頓其上寇來襲輒敗去縱兵乘之遇伏礮石雨坌東才方解衣激戰寇突出襲我後東才回矛決盪大殲其衆寨拔同治二年規汝寧夜獲邏卒東才迺服寇裝效口號奪門入諸軍踵之夷巨壘乘勢下南陽息縣又敗之商邱大小集數遷至副將七年張總愚北犯東才攻以火礮寇千

餘又截擊任柱等黃河徒駁間曾總兵賜號威勇巴圖魯徒守連河捻平擢提督明年赴陝征甘肅竄匪並敗退波羅營以西馬賊更勇號額鷹額十二年從克肅州賞黃馬褂事寧假歸光緒初統領豫軍先後疏浚賈魯河京師內外城河除甘肅涼州鎮總兵仍留豫十三年黃水暴長力護鄭州以下隄工救難民二千餘風雨罷勞過疾困篤俄卒於工次優詔賜卹予開封亳州建祠廷旣解毫圍旋奪西境兩河口補千總從宋慶駐守宋集同治間從攻懷遠平高邱積功至參將任柱等掘榮澤將圖北又從慶迎擊夜率壯士襲其營寇南走廷截之光州誅其酋張顯復破張恩於饒陽臨邑擢總兵西捻平晉提督賜號額鷹依巴圖魯八年入陝平綏德賜秩頭品寧夏旣寧賞黃馬褂光緒四年卒於洛陽祀亳州承先字光前少英敏好讀明戚繼光書毫平赴歸德擊高州匪拔汝寧寨與有功同治間攻張岡匪首孫葵心來援圍承先數匝冒雨出裏創力戰敗之遷都司進解光州圍連敗之上蔡祥符守黃河降中牟寇馮增再遷副將張總愚竄畿南又從慶敗之饒陽賜號節勇巴圖魯長驅玉林鎮戰良久中

矛浴血陷陣大捷逐北濟陽直蹙之黃河曾號志勇擁總兵錄守運河功曾提督光緒十四年河工成遣散夫役近數萬爲奸民所惑嘯聚朱仙鎮提督董明禮被圍巡撫倪文蔚議勦承先止之曰用兵必有潰擾歸陳各屬不能安枕矣且河工夫役數十萬設有牽動患更大迺單騎往撫杖其前者數人餘皆愕錯受部勒十七年署河北鎮總兵自同治八年至是凡三攝矣尋補歸德鎮四月卒毫民感之建祠以祀

李南華字孟莊安徽蒙城人咸豐初粵寇陷江寧淮北捻蠭起南華治團衛鄉里擊捻數獲勝累助至守備捻入境率死士百人拒之斬悍賊百餘進討擊捻七戰皆捷遷游擊賜號猛勇巴圖魯同治改元平治北先是苗練沛霖跨有長淮既輸欵髮捻大誅練之異已者羣練帖伏獨南華與抗翦除其黨沛霖怒遣張建猷等圍蒙南華破之馬家店再至再敗之尋就撫明年復叛築壘蒙城東南斷我糧餉南華會總兵王才秀擊卻之沛霖深慚長濠謀久困南華誓死守數出戰負重創力疾攻之戶山積會糧絕令衆潛取之以爲食一夕皆盡寇大

驍出奇兵夜襲之奪其輜重以歸斬馘不可稱計僧格林沁入城見家食人肉
南華竟體創痕深歎異之唐訓方上其功超擢總兵未幾統全軍駐守懷遠三
年徙臨淮壽州聞任柱入蒙境亟還軍而捻又竄豫巡撫喬松年移撫陝奏自
隨張總愚擾關中率師馳擊之陝事定稱疾去久家居慷慨好義值歲飢嘵毀
家紓難誦聲如沸焉光緒二十四年土寇牛世修倡亂渦陽南華聞警率練勇
赴援會各軍擊退之明年巡撫鄧華熙疏薦其才令綜鳳潁六泗團練參皖北
軍事數獲劇盜在蒲陰跡調赴豫權河北鎮總兵尋補福建汀州鎮二十八年
卒鄉人思其德額建蒙城專祠報可其兒子得勝佐治鄉團亦頗力沛霖之亂
戰常陷堅累遷參將賜號奮勇巴圖魯蒙圍解改練爲軍俾得勝領之轉戰直
魯蘇豫瀕有功克宿遷鄰城擢總兵補安慶協副將直東平曾提督更勇號曰
剛安移軍江寧平土寇胡志瑞亂仍歸於毫十七年卒卹如制附祀英翰祠
董履高字仰之安徽合肥人咸豐末粵寇亂治練衛鄉里同治元年春李鴻章
治軍上海履高隸戲下從援北新涇四江口師攻常熟弗克履高率敢死士數

百先登拔之連克昭文厯遷至守備二年從克江陰無錫金匱移師浙江時寇
脣集嘉善江浙道梗西塘勢險與寇據爲嘉善犄角殊死鬪履高率衆潤濟直
湖壘下礮彈掠肩過弗少顧諼而上手刃數悼賊奪纛而舞氣百倍寇驚亂拔
西塘旋克嘉善江浙師始相應四年師復宜興荆溪嘉定溧陽履高每戰必克
追擊金壇寇斬馘數千餘黨星散五年援湖州破廣德曾游擊鴻章征擒檄履
高出淮城次車橋鎮遇寇擊敗之寇截淮關稅銀一日夜馳數百里奪還時擒
曾張總愚竄陝西任柱賴文光竄山東履高東西馳逐夷阨谷拔鹵莽當者輒
靡擒集麻城光山固始間編木爲城實土其中然礮俯擊衆莫敢逼履高率千
人夜掘隧曳木入衷擊之盡殪擢副將事甯假歸省親九年募淮軍赴晉防河
以功晉總兵光緒三年蒙古草地馬賊蠭起移師防歸化包頭沙漠平行寇騎
颶疾日嘗數遇以寡擊衆月餘討平之母憂去五年起署潯州協副將鬱林大
竹根故盜藪官軍莫能制履高至潛易裝調其地還勁卒數百距寇巢十里外
而軍佯示怯寇易之不誠備忽大風兩屢高銳師宵加之擊殺數百人寇奔遁

九年法越肇衅移頓南甯龍州備采應明年再署潯州協恩生莫夢弼構苗匪廣黔各匪據五峒以叛五月深入苗疆禽夢弼誅之事遂定擢提督賜號奇車伯巴圖魯調署新太協仍駐龍州十月徒屯枚與法軍血戰數晝夜左足中礮幾斷當軸遽易之諒山遂陷年餘創平除慶遠協尋謝病歸十五年補廣西左江鎮總兵嚴軍紀能捕劇盜鄉民感之爲立主生祀焉二十五年調直隸正定時羣民始萌孽月朔望說法愚民屢高督兵禽其渠繩以法餘皆股栗匪卒不敢入境明年畿輔大亂獨正定晏然歷江蘇淮揚鎮貴州安義鎮袁世凱疏留北洋練軍三十一年除壽春鎮淮流盛漲城不沒者數尺屢高晨夜微循修補救護城得無虞三十二年冬巡視泗州防營墻馬舊創發假歸越二年卒詔優卹予建祠董全勝字凱臣江蘇銅山人同治初以把總隸李鴻章軍充馬隊官攻無錫全勝率敢死士爲軍先擒僞潮王黃子隆城遂克復金匱宜興荆溪溧陽常州嘉興皆有功累擢守備移勦捻賊擾福山齊海諸地全勝分防吳家閘潛山賊背夾擊斃無算賊南竄復敗之莒州沐陽追抵海州境賊創亡略

盡賴榆六塘河之戰斃賊尤夥東搶平撫逆擊賞花翎張總愚竄畿南全勝敗之安平賊偷渡滹沱河全勝追勦僞懷王邱得才一支殆盡賊趨天津全勝冒雨急馳繞截賊前賊回竄高唐南走陵縣臨邑適黃運漲賊既因於水又屢受巨創不能軍西捻肅清擢升參將駐津沽管練軍營率所部開濬陳家溝抵北塘鹹河百餘里歲溉稻田無數光緒十四年以塞永定河決口功升副將北運河紅廟漫口全勝率軍堵塞詔以總兵記名二十二年王文詔督直隸撫充天津練軍翼長兼帶中營礮隊二十五年卒年六十卽如例全勝治軍四十年與士卒同甘苦故臨陣咸爲效命又善以寡擊衆身經數百戰未嘗一挫收鴻章恒稱之

牛師韓安徽涇陽人父斐然官知府在鄭治團練師韓隨父擊賊數挫之稱牛家團練營咸豐八年投皖軍破趙家海壇城集收撫各圩十一年髮捻各寇竄擾睢甯師韓以少擊衆克周堂積助至守備同治二年苗沛霖據鳳台與捻首張洛行互犄角數百里寇寨林立蒙城被圍久士卒無見糧城幾潰英翰方牧

宿州亟赴援而悍黨斜趨西南將襲我後適師韓率騎旅至戰卻之又出奇兵通餹道已而英翰以鳳穎道統蒙毫諸軍與捻相持數月師韓常以騎兵摧寇鋒援師續至復選卒潰圍會援軍躡寇營數十飛彈傷額裹創力戰寇黨殲焉圍解先是英翰計禽洛行及其子喜義子王宛兒夜獻僧格林沁軍先遣師韓單騎詣大營乞兵迎解穿寇壘而過比寇覺馳刦之不及張曾竟駢誅時師韓年甫冠也再遷至游擊嗣從英翰剿髮寇戰霍山黑石渡大敗之未幾陳得才藍長春等構黨號十萬游弋英霍潛太閒帥韓請英翰剿撫兼施不及旬日降者踵接得才窮蹙自裁而長春猶屹負師韓苦戰嬰十餘創屹不動旋藍逆伏誅餘衆悉平張總愚合賴文光任柱窺蒙毫圍雉河集師韓聞警率師直薄寇營內外夾擊遂解重圍擢參將賜號信勇巴圖魯六年任柱竄山東截之於郯城又擊退宿遷連河悍賊東捻平超擢總兵更勇號曰達春七年西捻竄直豫間英翰請馳兵汴梁入衛畿輔檄師韓率騎旅三千會援尋命駐黃河以南備守禦師韓日與豫捻屢戰所向輒捷長驅山東境復與諸軍截之恩縣捻驚走

跋至鹽山海豐馳四晝夜抵高唐擒涌至將犯運河會天大風師韓趨上風邀
擊寇大潰西搶平貫黃馬褂英翰疏稱其好謀能斷堪勝提鎮任擒曾宋景時
通誅復以計禽倭之曾提督賜秩頭品光緒元年授河南歸德鎮總兵十五年
調河北鎮遭父憂去二十年日韓構畔授甘肅南夏鎮命入衛駐軍榆關事定
還本官二十一年河湟回蠶動師韓赴之次西甯聞平戎驛被圍久亟入大峽
距駢四十里悍回數千恃險負命師韓以四百人制之血戰竟日賊敗潰復大
峽其小峽寇亦遁旋創發卒於軍當其赴援時陰雨彌旬山逕聳嶺行帳無所
用士卒有假居旅舍者提督董福祥劾之議奪職師韓未及知而已疾終事聞
詔復故官總督周馥狀其績以上予原籍建祠

曹德慶安徽廬江人粵寇蹂皖練團保境嗣從官軍克柘皋三河被重創改隸
淮軍吳長慶麾下同治改元李鴻章督兵上海檄德慶探賊盡得其虛實大破
賊新橋時總兵程學啓被圍復從長慶疾擊之圍解自是官軍連下十餘城德
慶戰常陷堅積助至守備水陸軍規蘇州德慶一軍爲游兵蘇城既下從克無

錫金匱移師援浙助擊平湖乍浦海鹽據寇棄城走璵城寇來犯迎擊敗之
貫右臂裹創克嘉善攻嘉興從劉銘傳克常州徇下宜荆深太嘉諸邑曾參將
再從郭松林援浙克湖州援閩克潭浦東捻平普提督賜號烈勇巴圖魯師旋駐守江
捻黃連間德慶領所部橫擊之西捻平普提督賜號烈勇巴圖魯師旋駐守江
蘇歷揚州徒浦口會天旱天長盱眙鹽梟扇亂禽其渠陳紅慶誅之解遣曾從
數萬人發粟賑飢駐江陰建議築鵝梟嘴及下關礮臺光緒二年統淮揚水師
疏濬赤山湖梗蕩金陵諸河道十年法越畔起移軍防吳淞增築南石塘獅子
林礮臺曾國藩疏薦其設防要隘不避艱險授狼山鎮總兵留防如故皖北飢
輸巨金助賑詔旌之十六年罷戍赴本官時通海裏下河縱橫數百里梟寇出
沒民苦之德慶盡法懲治姦宄寢息二十七年卒卹如制從祀長慶祠

馬復震字心楷安徽桐城人曾祖宗棟祖瑞辰父三俊均見儒林傳復震年十
六襲雲騎尉以祖若父均死于賊誓欲殺寇投詩曾國藩行營國藩奇其才遂
檄令增募兵號淮勇初國藩治團練長沙號湘勇李鴻章募兵皖北以淮勇繼

之然初不稱淮勇淮勇之名實自復震始國藩因祁門復震扼祁門樞根嶺次年會軍禦寇石門橋又從攻徽州拔統領唐義訓於重圍迭克黟縣徽郡又大捷屯溪嚴市以解徽州圍大捷孔憲以克績溪祁門復震性剛不能下人人或譏之國藩國藩稍稍戒飭之復震頗責望國藩謂不當用人言戒我迺不我知也會左宗棠率師征浙調復震從攻餘杭比戰皆捷餘杭既克追寇至遂安開化馬金湖州既克追寇至鉛山縣坊湖鎮常爲諸軍選鋒積功至副將宗棠奏其血性過人膽識堅定又好學知書請改文職格於例以總兵隨宗棠剿捻陝西復震自初入軍即誓死滅賊捻平年三十始歸娶事母孝友愛諸弟甚至生有奇姿骯髒不平往往至於大醉泣下輒歌詩以自遣海疆日益多事朝廷圖自強創造火輪兵船鴻章任湖廣總督遂委復震管帶操江船則益研求西國水師兵法鴻章督直隸調巡北洋時國藩爲兩江總督仍令往來南北且合疏薦復震沈毅有爲足勝海疆專閩光緒三年簡授陽江鎮總兵已而卒月餘年未四十於是鴻章念其積勞久且興淮軍及海上兵船復震皆首其事迺奏請

優卹著有我園詩鈔又嘗從寇中攜父殘稿出展轉兵間卒請宗棠序而刊之爲馬徵君遺集

程文炳字從周安徽阜陽人初結鄉團自衛年十八投袁甲三軍領馬隊爲邊鋒戰輒冠其曹涪升至守備從克定遠破湖溝寇圩補潛山營游擊同治二年率所部二千人駐蒙城會苗沛霖搆捻來犯相持八閏月大小百十戰數獲勝已而捻酋葛小年擁衆可數萬殊死鬪蒙圍益急與布政使英翰內外夾擊大敗之僭格林沁軍至誅沛霖文炳會諸軍擒小年等駢慘之皖北始稍靖四年夏任柱賴文光復入皖英翰頓雉河集與寇相持五十餘日餽糈不繼兵疲餓文炳邀擊之軍士戰稍卻語所部曰此生死呼吸之際汝輩尙不力耶軍令在不汝恕策馬陷陣將弁繼之呼聲振天寇披靡追戰至夜分左臂中矛傷裹創力戰寇憚之援至因大破虜論功擢總兵五年補貴州清江協副將駐軍皖北朝命英翰撫皖初文炳以軍事與英翰不相能至是稱疾不出英翰之母賢諸將自史念祖以下均母事之英翰以母命召文炳至則拜牀下督捐前隙共生

死比出即檄統前敵師于是在時捻騎剽忽成流寇李鴻章既定閩河策文炳統皖軍萬五千人與總兵張得勝等進擊東捻勢蹙任柱死其黨四散大呼文炳名求降鴻章速降卒問故僉曰昔皖北善後程公以身家保鄉人今我輩窮而乞憐必能拯我其信義孚人如此英翰上其功擢提督六年西捻張總愚北犯詔文炳率師入直會剿逾歲敗之漳沱河各軍至捻狂奔爭先渡河棄驛馬質糧河干文炳下令軍中曰速濟追賊敢取物者斬於是皖軍先渡躡賊而南斬馘無算西捻平賞黃馬褂還駐毫十二年授江西九江鎮總兵光緒二年移疾去明年秦曾大饑捐巨貲佐袁保恆辦賑濟民獲甦五年起署壽春鎮旋補官南贛九年擢湖北提督綠營廢弛久文炳旣受事實行加餽抽練法軍容一振莅官十載遭本生繼母憂終喪會中日戰事起詔趣赴京至則命統皖軍駐守張家灣尋授福建提督二十五年入覲假歸明年拳亂作詔福建江南浙江安徽江西勤王軍受節度赴彰衛懷備守禦又明年提督長江水師目賭船械窳

舊礮不能擊遠與緣江各省籌易快礮增餉益師軍威始壯宣統二年卒年七十有七先是詔疆閫諸臣條陳時政文炳洞見新軍幾結具疏未上俄病篤命繕入遺摺中分編兵籍節餉精增額閱造器械變操法五事上嘉其老成謀國下所司行優詔褒卹予本籍及立功省分建祠謚壯勤

方耀字照軒廣東普甯人咸豐初隨其父原治鄉團所部多悍勇嗣投官軍征土匪有功補把總自是連克清遠廣甯德慶截擊連州竄匪總督黃宗漢疏薦謀勇冠軍敘都司賜號展勇巴圖魯九年髮寇陳四虎侵廣甯土匪四應耀入自英德會水師抵三峽沈賊船水路始通進解陽山圍擊退婆逕黃陂各匪匪奔韶州復大破之十年從克仁化南雄總督勞崇光倚以破賊令援贛連下安遠平遠十一年援閩疆下武平永定時僞興王陳金缸陷信宜數犯高州耀還軍助擊大敗之同治二年肇羅寇氛熾客匪衆至十餘萬耀與副將卓興以所部八千人夾擊之迭破巨壘焚其屯糧其黨鄭金斬金缸以降鄭金卽鄭紹忠也高州平晉副將三年赴平遠八尺城坐縣城失守進兵遲誤暫褫職時髮寇

丁太陽分據武平耀自平遠進逼奮擊退之又設伏誘敵乘勝徑斫賊營大潰城賊亦驚走遂克武平而丁賊猶據永定負固不下耀進圍之詗知賊將赴金砂隱卒以待賊至伏起賊返奔追襲之奪城外礮樓土壘俯瞰城中日夜下擊賊戶山積啓東門遁復故官四年僞康王汪海洋竄大埔耀還軍扼守遇僞侍王李世賢血戰三晝夜以少擊衆大敗之復與紹忠會師入閩連克平和詔安長樂鎮平而餘匪嘯聚和平者勢猶盛耀以無備再被賊旋收嘉應復官七年授南韶連鎮總兵調署潮州潮俗故悍械鬪奪敏以爲常甚且負嵎築寨拒兵抗糧耀以爲積匪不除民患不息迺創爲選舉清鄉法先辦陸豐門案明正其罪潮人始知有官法陁獨目結會狀官謝奉章恃險擅命並捕治之潮民遂按堵暇輒釐占產征逋賦丈沙田潮稅歲增鉅萬又禦水患以保農田建書院以育俊秀士民頌之總督瑞麟狀其績以上賞黃馬褂光緒三年調署陸路提督五年還本官治潮州南澳碣石軍事九年法越搆兵充海防全軍翼長改署水師提督越二年實授營率師出擣盜穴廣惠安謚十七年卒卹如制耀身矯捷

履山險若平地眼有異光暮夜擊槍靡弗中以故粵中諸匪咸憚之紹忠籍三水始隨金缸爲寇既自贖提督崑壽許領其衆爲一營號安勇克廣西岑溪賞都司銜始更名永定大埔之役與有功數遷至副將權羅定協寇據嘉應其黨譚光明等殊死戰紹忠扼守長沙城寇至擊卻之城寇悉衆出併力追擊禽渠率城拔以次征肇慶思平諸匪賜號敢勇巴圖魯平五坑客匪更勇號額鷹伊自是察匪所向捕之不二年擢提督補潮州鎮總兵光緒二年搜治欽州靈紹積匪曾秩頭品五年攻克瓊州儋臨賞黃馬褂十年權陸路提督粵故多匪山忠頗善治之攻剿徧粵境轉戰閩桂匪爲歛跡十五年授湖南提督十七年還綜廣東水師二十年加尙書銜越二年卒卹如制鄧安邦廣東東莞人以勇目積功至守備同治三年從耀等克武平四年汪海洋陷嶺平圍平遠安邦赴援抵城下飢疲甚雜食薯芋卒解城圍再敗賊大柘超竹嘉應陷與諸軍截殲之晉游擊賜號銳勇巴圖魯遷參將光緒三年補清遠營游擊明年匪首歐就起襲據佛岡廳安邦約紹忠內外合攻復其城獲就起寅之法十二年授湖州鎮

總兵十四年卒

論曰自髮捻起各省興團練淮皖爲盛實淮勇之始也東才以下諸人初皆起鄉團其後或隸豫軍或隸淮軍皆先後著戰績爲時所稱方耀以粵團歸官軍善戰兼謀勇尤善治盜民多感頌茲故並著之

清史稿

列傳二百四十五

徐延旭

唐炯

何環

張兆棟

徐延旭字曉山山東臨清人咸豐十年進士出知廣西容縣師克潯州與有功累晉知府同治九年除知梧州光緒三年遷安襄荆鄖道八年晉廣西布政使命督辦海防得專奏事時法人謀占全越巡撫張之洞侍讀張佩綸先後疏薦堪軍事會南定陷朝命出鎮南關與提督黃桂蘭道員趙沃籌防未行越官劉永福戰勝懷德府紙橋狀其績以上九年出關至北寧而還順龍州被命爲巡撫敕趣永福規河內延旭上部署防守狀略云固廣西邊疆必守北寧固雲南邊疆必守山西左軍前鋒分駐北寧涌球去城止十二里一旦有事援之則無辭於法聽之則有慙於越不如徙軍入城城固我儲糧屯戍所也並簡銳阨浪泊湖北岸爲山西聲援別募勇百人扼月德江與陸軍相表裏附請吏部主事唐景崧留軍初法人犯順安越未敗遽乞和延旭奏言越人倉卒議和或謂因

故君未葬冀緩須臾或謂因廢立嫌疑朋興黨禍越臣黃佐炎等錄寄和約越誠無以保社稷中國又何以固藩籬劉永福見駐山西法人擬益師往攻請無微兵用警戎備越王阮福昇嗣位遣使告哀並懇允其請闢乞封復具和約二十七條及黃佐炎稟上之樞府左宗棠檄前布政使王德榜募勇扼桂邊朝命受延旭節度其冬力疾再出關駐諒山趣軍進取分襲海陽嘉林繼敵勢並請撥船艦扼海口斷其出入諭仍力守北寧於是令左軍黃桂蘭右軍趙沃協防其地適山西陷延旭猶慮兵力薄復遣使入關募勇通售五十餘營厚集於此隨令廣間諜安地營禁擾民嚴冒餓然沃等皆寡識桂蘭尤侈汰與越官張登壇日事宴樂登壇故通法嗣以有郤洩其事上命延旭罷登壇或因而殺之延旭以力不能制而止日唯籌軍火濟師以爲兵力厚可恃以無恐桂蘭復希風指侈談部下能戰延旭益信之遂六上書請戰上不許敕保守未失陷地母貪功十年法軍陷扶良三路攻北寧桂蘭潰奔太原李鴻章電奏失守延旭猶上言西聯涼軍東防江口北寧斷無他虞上責其飾詞會岑毓英抵保勝部署邊

外各軍遂命延旭軍屬之初延旭之任西撫也未及兩月亦知桂蘭等未可恃
嗣以臨敵易將操之急易生變以故誥誠備至而桂蘭等且縱兵剽斂越民不
堪命忿滋甚是役也羣反噬城迺陷延旭上其欺飾狀並自糾請治罪上怒詔
革職留任法軍乘勝入芹驛關復命力扞之母再失延旭以景崧護軍收殘兵
更約束令駐屯梅時諒江朗山狼甲相繼屠潰諒山教民且奮焉思動延旭鑒
覆轍嚴禁防軍向越官索夫米有伐一草一木者斬越民仍不知感適德榜至
勸延旭勉自支振圖再舉於是更嚴勒粵軍仿楚勇制力求後效而逮問之命
下吏議斬監候改戍新疆追論舉主之洞佩綸均被罰責延旭未出都病卒于
坊自有傳

唐炯字鄂生貴州遵義人道光二十九年舉人訓方子訓方督師金口炯馳數
千里省視越夕難作倉皇奉遺疏謁曾國藩得代奏武昌復求遺骸歸葬桐梓
亂民起治鄉團禦之服闋入貲爲知縣銓四川咸豐六年署南溪值滇寇李允
和蠢動藍朝柱應之陷敍州吏士皆恐炯迺訓練兵壯晨夜徵循人心稍靖有

爲寇所獲者縱之還曰爲我語唐青天決不犯南溪一草一木炯領兵逼弔黃樓單騎入營諭以利害朝柱款附允和改犯變爲炯馳救壁不動俟其懈乘之寇狂奔自相轔藉旋與楚軍解成都圍八年檄署綿州事時郫彭軍事棘調還省防守炯謂得黑窩盜虛實請限八日畢迺事果如所言除知夔州未上踰月允和圍綿城炯掘壕登陴民助賃糧炯居城三月不下誓死守援至開始解已而湘黔軍閬州署駱秉章劾罷之事白仍治軍同治改元統安定營會石達開圍涪州與劉獄昭期會師擊走之其夏石黨窺綦江炯聞警馳援燔其壁寇潰大破之長甯以疾還成都秉章詢寇勢時寇退演邊聲入黔炯曰此誘我軍東下耳彼必走夷地乘虛入川甯越宜警備俄而寇入紫地復請遣唐友耕軍大渡河扼之達開返西岸退爲裸夷所窘食盡乞降梟誅之明年權綏定府區邑爲八路路若干場場若干寨置寨總行記善惡法月朔上其簿觀判之又立書院二社學八十餘境內稱治下其法他縣越二年赴陝佐治營田捻首張總愚犯新豐大敗之六年四川總督崇實命率師入黔黔患貧瘠崇實先問以理財

策炳曰理財莫若節用節用莫若裁剪裁剪莫若援黔實然其言遂以軍事屬之連破偏刀水上大平黃瓢白保禽斬王超凡劉儀順降潘人傑唐天佑皆積寇也又克平越甕安黃平清平麻哈遷道員賜號法克精阿巴圖魯嗣爲吳棠所劾還獨光緒四年丁寶楨督四川令佐治鹽筴旋補建昌道六年署鹽茶道條上善後六事謂發引必先新後舊徵稅必先課後引收發鹽引責成鹽道改代引張責成州縣繳殘則嚴定期辦公則優給公費議行凡百餘年引目渾徵款項轉轄諸弊至是盡革語具鹽法志八年張之洞張佩綸先後奏薦堪軍事於是擢雲南布政使炳率川軍千人駐關外演軍悉歸節度既莅事裁夫馬治廠務併釐卡清田糧民困少蘇法人奪我越南被命赴開化防守即於軍前除巡撫誤聞將議和亟還省履任上大怒褫職逮問刑部定讞斬監候久之上意解三厯秋審赦歸左宗棠臚其治行上於朝命戍雲南交岑毓英差序十三年貢巡撫銜督辦雲南礦務偕日本礦師躬履昭通東川威寧銅鉛各廠疏陳變通章程又厯請減免貴州鉛課豁免雲南礦廠官欠民欠並報可惟經營

十五年僅歲解京銅百萬斤爲時論所譏三十一年謝病歸三十四年以鄉舉重逢晉太子少保踰歲卒年八十卽如制

何環字小宋廣東香山人父曰愈見循吏傳環道光二十七年進士選庶吉士授編修轉御史咸豐七年英人陷廣州總督葉名琛獲譴罷而巡撫柏貴等罪相埒譴弗及時論譁然環迺分別上其謬誤狀明年英艦入津沽疏陳戰守要略先後抗論外務疏凡八上遷給事中十年出爲安徽廬鳳道同治二年遷按察使撫至與總兵喻吉三隨方應禦寇不得逞四年晉湖北布政使逾歲到官值黃陂飢嘉民就食江漢便宜發帑金濟之九年擢福建巡撫厯山西江蘇道父憂服闋起閩浙總督光緒三年備日本議起治海防飭戎政其夏患水祲日坐城上督拯難民凡閱七晝夜醵金恤之水退濬洪塘江導支流入海後患稍殺五年兼署巡撫時日本議廢琉球數以兵艦浮閩滬環以臺灣地當要衝基隆尤扼全臺形勝迺調集輪船增募兵勇建築礮臺備不虞九年法越事起海防戒嚴環令總兵張得勝等分扼諸郡提督孫開華等分扼臺澎並檄揚在元

署臺灣鎮助防守明年又上福建臺益船募卒狀上皆勗厲之已而會辦軍務
張佩綸至事皆專決視環等若屬吏又嚴劾在元貪謬環坐疏忽干吏議以是
益畏事之不敢爲異同佩綸調舟師衛船局環亦以礮布衛署自衛廷旨以閩
事亟諱諭固守速戰書至環告佩綸曰明日法人將乘潮攻馬尾矣佩綸弗
聽舟師大挫環欲馳援而臨浦無舟可濟株守省城卒致閩事日壞然猶左袒
廣勇雖逃不問頗爲時嘗議迺飛章自効而廷旨已先召還京尋御史亦劾其
闖冗部議褫職十四年卒

張兆棟字友山山東濰縣人道光二十五年進士銓刑部主事累遷郎中出知
陝西鳳翔府莅事三月而回寇竊發迺募鄉兵捍之無何城被圍寇且掘長濠
圍久困兆棟晨夕登陴慰勞守者寇盡潰西南城蠻附上兆棟躬冒矢石戰甚
力寇不得逞益固結紳民誓堅守閱十有六月援師至圍始解超授四川按察
使咸豐四年調廣東遷布政使左宗棠治軍嘉應餽餌阻絕兆棟殫心籌畫給
食不乏歷安徽江蘇皆稱職九年擢漕運總督時運河久廢不緝兆棟虛海警

阻漕爲上治河濟運狀稱旨十一年再調廣東粵俗嗜博闇奸害尤烈疏請禁止報可而總督吳翰曲徇商人請弛其禁兆棟劾之落職遂兼攝總督事禁益嚴終其任粵吏無敢言閩姓者光緒四年母憂歸服闋起福建巡撫十年法越事起法艦窺臺閩張佩綸銜命會辦閩防軍務兆棟畏其談曲意事之日謁如衙參佩綸虛飾勝狀詔發萬金犒兆棟軍兆棟且疏劾大員謀遁意指何璟也朝旨令據實以聞已而事亟已亦微服匿民間數日略定復出任事璟罷兆棟兼總督朝廷論馬尾失守罪褫職十三年卒於閩宣統元年復官

論曰法越初搆景號識時務者爭上書抗慨言戰未及旬時延旭敗退廣西烟葉關外新安行營何璟兆棟憾張佩綸之氣勢怯懦而無所主事急皆遁方其互相汲引不恤舉輕事以輕試及其敗也其黨益肆言焚聽而此數人者遂得保首領以沒朝廷固寬大亦失刑甚矣

清史稿

列傳二百四十六

馮子材

王宗良
高元明
李衡

蘇元春

馬鑑
吳永安

王德榜

張春華
高元明
李衡

孫開華

李衡

歐陽利見

江鑑

馮子材字翠亭廣東欽州人初從向榮討粵寇補千總平博白賜號色爾固楞巴圖魯改隸張國樑麾下從克鎮江丹陽嘗一日夷寇壘七十餘國樑拊其背曰子勇余愧弗如積助至副將國樑歿代領其衆取溧水擢總兵同治初將三千人守鎮江時江北諸將多自置卡椎釐稅子材曰此何與武人事請曾國藩遣官司之所部可二萬餉恆訕無怨言莅鎮六載待士有紀綱士亦樂爲所用寇攻百餘次卒堅不可拔事甯擢廣西提督賞黃馬褂予世職赴粵平羅肅移師討黔苗克全茗感城九年出鎮南關攻克安邊河陽凱旋再予世職光緒改元赴貴州提督任七年還廣西明年稱疾歸越二年法越事作張樹聲斬其治團練遣使往趣駕比至子材方短衣赤足攜童叱犢歸啟來意卻之已聞樹聲

賢詣廣州適張之洞至禮事之請總前敵師于衛粵桂逾歲朝命佐廣西邊外軍事其時蘇元春爲督辦子材以其新進出己右恆悒悒聞諒山警亟赴鎮南關而法軍已焚關退龍州危棘子材以關前隘跨東西兩嶺備險與迺今築長牆萃所部阨守遣王孝祺勤軍軍其後爲犄角敵聲某日攻關子材逆料其先期至迺決先發制敵潘鼎新止之羣議亦不欲戰子材力爭親率勤軍襲文淵於是三至關外矣宵薄敵擊斬虜多法悉衆分三路入子材語將士曰法軍再入關何顏見粵民必死拒之士氣皆奮法軍攻長牆亟次黑兵次救匪礮聲震山谷槍彈積陣前厚寸許與諸軍痛擊敵稍卻越日復涌至子材居中元春爲承孝祺將右陳嘉蔣宗漢將左子材指麾諸將使屹立遇退後者刃之自開壁持矛大呼率二子相榮相華躍出搏戰諸軍以子材年七十奮身陷陣皆感奮殊死鬪關外游勇客民亦助戰斬法將數十人追至關外二十里而還越二日克文淵被賞資運復諒城長慶禽斬三晝五晝兵總各一乘勝規拉木悉返侵地越民苦法虐久聞馮軍至皆來迎爭相犒問子材招慰安集之定勦蕩北圻

策越人爭立幽樹馮軍械愿供糧餉作鄉導北甯河內海陽太原競響子材亦
毅然自任於是率全軍攻郎甲分兵襲北甯而罷戰詔下子材憤請戰不報迺
挈軍還去之日越人號泣遮道子材亦揮涕不能已入關至龍州軍民拜迎者
三十里命督辦欽廉防務會辦廣西軍務督太子少保改三等輕車都尉十三
年討平瓊州黎匪降敕褒嘉調雲南提督稱疾暫留二十年加尙書銜值中日
失和命募舊部至江南待調發和議成還防二十二年赴本官二十六年入省
籌防會拏亂作請募勁旅入衛上嘉其忠勇止之逾歲調貴州二十八年病免
明年廣西土寇蠭起岑春煊請其出治幽防方募練成軍率一二子以進而遘疾
困篤未幾卒年八十六設勇毅予建祠子材軀幹不逾中人而朱顏鶴髮健捷
雖少壯弗如生平不解作欺人語發餵躬自監視偶稍短即罪司軍精者治軍
四十餘年寒素如故言及國樞輒涔涔淚下人皆稱爲良將云王孝祺本名得
勝安徽合肥人初入淮軍以敢戰名從李鴻章規三吳積助至守備又從張樹
聲克常昭諸城釋平湖幽歷遷副將論克宜荆深嘉常功擢總兵賜號壯勇巴

圖魯從援浙連下湖州長興是時樹聲弟樹珊攻湖北德安陣亡坐失主將貶
秩戰敗東捻復故官西捻平曾提督更勇號爲博奇旋赴山西防河大搜馬賊
值晉飢斥家財以濟民德之賊所竄匿輒先詢以告事甯賜頭品秩光緒六年
樹聲督兩廣奏自隨厯署潮州碣石總兵九年徙右江鎮主欽廉防務明年潘
鼎新來乞師領勤軍赴龍州而鼎新已遁迺從子材詣鎮南關截潰勇胥襲文
淵入街心馬踏亟易騎率死士繞山後攀崖上破一壘俄而法軍分路入直攻
關前墻復自後路仰擊敵稍卻李秉衡集諸將舉前敵主帥孝祺曰今無論湘
粵淮軍宜並受鴻公節度秉衡稱善右路者西嶺也其部將潘瀛袒臂裸體衝
入敵陣故傷亡獨多至日暮孝祺擊敗之奪三壘而還攻諒城瀛執轍先登併
力克之城復取太原予世職明年授北海鎮總兵二十年賞雙眼花翎逾歲謝
病歸越四年卒卹如制陳嘉字慶餘籍廣西荔浦從蘇元春征黔苗累助至副
將賜號訥思欽巴圖魯平六碉擺總兵調赴湖南守寶慶鼎新撫廣東嘉引兵
從抵思恩值土寇嘯亂計禽魁莫思弼誅之法越之役率鎮南軍出關阨谷

松敵至礮甚猛退頓堅老已而戰船頭陸岸皆捷法軍據紙作社師設伏誘之
嘉出挑戰敵悉衆迎拒戰方酣元春隱兵起斬法將四人兵二百八十餘捷入
賞黃馬褂授貴州安義鎮總兵未幾法軍大舉寇堅老鑿戰數晝夜被重創仆
地左右掖之去既覺麾刀叱退仍奮擊敗之逾歲法軍薄長墻左路即東嶺嘉
爭其三壘宗漢繼之七上七下嘉被創者四氣不少沮孝祺自西來援合擊之
遂奪還以次復文淵諒山進規谷松力疾赴前敵詔嘉之賜頭品秩予世職創
發卒於軍年未五十設勇烈蔣宗漢籍雲南鶴麗同治初回寇入境方居憂其
曾馬金寶偪令受先鋒印佯以終制辭潛歸里至江干無舟可濟追騎將及仰
天祝曰苟得留身報國當建此橋果得浮槎以免既貴成金龍橋亘數百丈行
旅至今賴之初隸楊玉科麾下每戰輒爲先鋒從攻緒供籌其下有吳家屯爲
寇儲糧地備奧阻宗漢問道得大溜口率死士百縋幽鑿險忍飢抵壁下翼槳
桶設伏線潛出約師火發大敗之繇是知名又從玉科迭下各郡邑積助至副
將賜號著勇巴圖魯戰小圍埂勒馬挺矛當者輒靡岑毓英見而歎曰真虎將

也大理平擢提督賞黃馬褂攻錫臘順寧皆先據要險設伏敗敵人皆謂其善謀云事寧更勇號圖桑阿克雲州署騰越鎮總兵攻克烏索授順雲協副將光緒改元英繙譯官馬嘉理入滇邊抵戶宋河遇害坐疏防鏽秩付鞠明年復騰越起副將五年靖遠平復故官法越之役率廣武軍出關功與嘉埒和讓成賜頭品秩除貴州遵義鎮總兵二十年賞雙眼花翎二十六年署提督調雲南越二年還貴州予質授明年卒予建祠

蘇元春字子熙廣西永安人父德保以廩生治鄉團禦寇被害州人建祠祀之元春誓復仇從湘軍同治初隨席寶田援贛皖粵累功至參將假歸六年領中軍征黔苗破荆竹園賜號健勇巴圖魯連克要隘更號銳勇八年統右路軍值思州苗犯鎮遠復擊卻之進復清江擢總兵黃飄之役黃潤昌戰死元春馳救亦敗退于吏議克施秉復故官九年攻施洞拔九股河又改法什尙阿勇號薄台拱苗遁走曾提督明年復丹江凱里軍威益振賞黃馬褂以次下黃飄白堡驛道始通逾歲循清水而南所至輒廢惟烏鵲坡猶負固復自東南破張秀眉

砦殘苗將北走黔軍遏之河干元春麾軍馳之殺寇爲二斬數千級降三萬餘人苗砦悉平元春留頓其地撫降衆論功予雲騎尉全演底定賜頭品秩光緒初平六礮及江華猺被賞賚十年和議中變法人大舉攻桂軍潘鼎新薦其才詔署提督遂率毅新軍駐谷松取陸岸鑿戰五晝夜上嘉其勇命佐鼎新軍再予騎都尉規紙作社敵緣江築壘夜將半師設伏誘之其左樹木幽深元春隱兵其中敵至於是夾擊大破虜既而法人犯谷松師連戰失利敵燬鎮南關元春出隴黑禦之不克退幕府當是時自南寧至桂林居民大震鼎新罷免遂命主廣西軍事十一年法人寇西路元春趨九封截之迺引去俄攻關前隘失三壘元春亟馳救詰朝助子材陝中路大捷語具子材傳長驅文淵元春踵至諭知敵據驅驢城乘其未整列逐之敵奪門走進陝觀音橋而停戰詔下諸軍分頓關內元春駐憑祥居中調度和議成授提督督三等輕車都尉又改額爾德蒙額勇號還龍州其南曰連城號天險建行臺其上暇輒取健兒練校之授以兵法西四十里即關崇山相釜一道中達元春相形勝築礮臺百三十所屬統

將馬盛治鎮之鑿險徑闢市場民憚懦忭復自關外達龍州創建鐵路百餘里增兵勇設製造局屹然爲西南重鎮加太子少保晉二等輕車都尉二十五年入覲命赴廣州灣劃界前後鎮邊凡十九年閱時久師律漸弛兵與盜合而爲一蔓滋廣朝命岑春煊督兩粵治之御史周樹模劾元春尅餽縱寇敕春煊按覆春煊謂不斬元春無以嚴戎備詔奪職逮訊初湘軍舊制軍餉月資衣食外餘存主將所備緩急歲餘迺給之名曰存餉元春莅邊凡所設施不足移十二萬濟之刑部擬以斬監候獄急元春請以應領公款十六萬備抵償於是部再疏其狀謂其父死難例得減詔戍新疆元春軀幹雄碩不治生產然輕財好士能得人死力嘗與法人接獨持大體金龍崗者安平土州地爲中越要隘法將據之與爭不決而游勇萬人恒出沒爲法患法莫能制其總督入關來求助元春悉召至貲遺之金龍七隘卒歸隸法商李約德爲寇所掠總署慮啟衅以屬元春元春簡駕從詣山下寇聞送之出時元春已積逋二十萬或勸其請諸朝元春歎曰吾任邊事致外人踏絕險尚敢欺朝廷要重利乎卒不可法感其義

贈寶星既入獄年已六十矣無子幕士董翻左右之法總統聞其狀急電公使
端貴等謀緩頰翻喜具以告元春曰法吾仇也死則死耳藉仇以乞生是重辱
也君爲我謝之居戍四年御史李灼華疏其冤事下張人駿廉得實請釋歸而
已卒於迪化貧無斂新疆布政使王樹相爲治其喪宣統改元復官子承賜戍
所生馬盛治字仲平籍廣西永安以孝著初隨席寶田征黔苗積功至游擊賜
號壯勇巴圖魯苗疆平更勇號哈豐阿遷副將從克六碉擢總兵越事急遂率
師出關時宣光太原牧馬潰勇索餉譁變盛治輕騎往撫汰弱留強軍紀以備
逾歲法人悉銳至腹背受敵盛治具餉糧間道繞敵前與元春諸軍夾擊之遂
復南關克文淵諒山長慶灝有功賞黃馬褂光緒十二年除柳慶鎮總兵仍統
邊軍佐元春築礮臺設鹿市賞雙眼花翎二十一年會辦中越界務連破西林
鬱林諸匪曾提督二十八年移署左江鎮南甯各屬故盜數至即麾軍搜剿寇
聞風遁遂檄所屬練團築卡堅壁清野寇大困其酋黃和順等猶峒負官軍攻
隴賴遇伏槍彈兩發盛治被重創衆掖之出旋卒盛治居邊十七年元春倚如

左右手元春尙寬而盛治濟以嚴邊境賴以寧謐卒年五十八諱武烈子思恩

南寧建祠

王德榜字朗青湖南江華人咸豐初粵寇擾境與兄吉昌毀家起鄉兵戰數利五年援江西攻奉新吉昌戰死德榜領其衆督復仇七年論克瑞州功敘經歷州同明年從將軍福興援浙復衝處各城擢知州又明年從援安徽克婺源遷直隸州知州援例加道員其夏殲賊浮梁景德鎮十年平廣信寇遁入浙徙防玉山歸左宗棠節度十一年李世賢李秀成先後來犯並擊卻之賜號銳勇巴魯圖同治改元所部譁變又不稟宗棠命私越境駐廣豐褫職留軍尋還浙世賢犯遂安出常山華埠截之會宗棠耀兵龍游令阨全旺世賢遣驍賊分道馳救德榜自右路夾擊皆愕走城寇猶未下邀歲逼城南築三壘寇夜遁復官移師浮梁連下崇光陽溪諸渡三年釋廣信圍其秋復東鄉長廬江山玉山廣豐鉛山所至皆下捕按察使是時世賢合汪海洋出入江廣邊連陷龍巖南靖澤州德榜將二千五百人馳援合劉典軍爲西路軍攻莒溪克之四年春授福建

按察使復古田攻南陽師少卻俄而海洋率黃白號悍黨可二萬列田壠典先入德榜爲承奮擊之寇返西岸德榜追至下車海洋下馬痛哭其黨挾之走黃白號衣者海洋所蓄死士號無敵至是喪失過半矣四月邀擊世賢於安溪進攻烏頭門復漳城馳大埔郭揚維率四千人降乘勝克南靖易勇號曰達沖阿遷布政使十月援嘉應頓塔子澳與諸軍環逼之追寇寇返奔時宗棠軍大埔麾下止八百人勢岌岌亟召德榜阨三河壩地當潮州要衝皆山道絕澗德榜至察地勢度寇必不往且主帥軍孤懸寇直犯必不支迺請當中路卒與典軍出寇前遇之十二月復嘉應誅海洋捷入賞黃馬褂六年遭父憂歸十年八月宗棠征河州回德榜詣軍所綜管務時黑山壘林立勢張甚德榜率二千人自狄道渡洮以石鼓墩左拂黑山右阨邊家灣形便控築迺築二壘其上與諸軍痛擊寇壘悉平進駐迤南三甲集率騎越山南下大破之剿東鄉抵陰窪泉遇伏下馬督戰寇潰迭克要害寇併入謝家坪十一年傅先宗戰歿新路坡德榜接統其軍申明紀律誅將弁先潰者六人士氣復新羌地曠夙患狼往往百十

成羣夜入幕帳噬人德榜令將士習獵搜捕狼患滅甘南既平撫降回十餘萬
裕狄道河渠獲沃壤百餘萬畝降敕褒嘉賜頭品秩光緒元年母憂解職六年
再赴新疆以舊部駐張家口七年入京教練火器健銳諸營兼興幾輔水利十
年越南事亟率師赴難抵龍州募新軍八營號定邊軍單騎詣諒山謁徐延旭
陳方略令提督張春發分兵駐朝陽山半隴山左右何秀清等駐驅驢城通諶
道而自領兵赴鎮南關北客陷權廣西提督戰豐谷敗蘇元春不往援德榜銜
之以故元春敗於谷松亦不往救德榜自負湘中宿將與督師不治潘鼎新責
其戰不力劾罷之以所部屬元春九月復被命赴那陽進逼船頭戰數捷明年
軍油隘法軍犯長牆出師夾擊據文淵對山鏖戰數日殺傷略當越日陳嘉爭
東嶺三壘德榜擊其背克之是日晨出甫谷敵援至衝截爲二部將蕭德龍及
春發戰最勇殲法軍百餘人獲糧械無算敵被截大潰已復合諸軍攻諒城法
軍阨驅驢城地故有德榜舊壘堅且綏平明德榜殲其六畫兵總一諸軍繼之
城復谷松敵勢仍悍又殲其三畫兵總一於是法人大潰悉返侵地復故官被

賞賚尋移疾去十五年授貴州布政使十九年卒卹如制張春發字蘭陔江西新喻人初錄劉松山麾下充探騎瀕有功累遷至副將賜號傑勇巴圖魯從征陝回規甯叢戰常陷堅擢總兵金積保寇決渠掩我師春發開溝築隄引流反灌破壘二百餘更勇號曰哲爾精阿復巴燕戎格及河州晉提督光緒二年從劉錦棠取迪化連克瑪納斯達坂托克遜賞黃馬褂進復西四城予世職五年安集延布魯特入寇春發度幕趨博斯塘特勒克搃其巢逐北至俄境法越肇畔從德榜奪東嶺法援大集彈入右額貫左頰裏創力戰大捷除廣西右江鎮總兵署廣東陸路提督賞雙眼花翎二十一年平永安長樂匪予寶授二十六年調湖北逾歲徙雲南魏光叢劾其營務廢弛論戍三十二年張之洞白其誣復官綜兩江營務宣統三年病免旋卒春發治軍嚴苛云兵佚則驕惰以故朝夕躬訓練暇輒使濬河流平道路然木訥寡文疏酬應同官先施者恒不答禮且往往氣凌其上卒以此羣忌蕭得龍籍湖南藍山咸豐初從援贛浙積助至提督調赴閩克南陽漳州攻嘉應寇逼追扼北溪大敗之賜號博奇巴圖魯光

緒初移師甘肅克東鄉太子寺越事危棘與法人戰南關殺傷略相當奪東嶺三壘功最賞黃馬褂事甯署莊浪協副將創發卒於官予優卹

馬維騏字介堂雲南阿迷人少從岑毓英軍征回寇積功至都司捕盜尤有名越南事亟又從毓英出關以偏裨當一路法越之戰演軍多有功而以維騏及覃修綱吳永安爲著師攻宣光垂克法援大集圍劉永福軍維騏銳身馳救墜戰二晝夜擊卻之從攻臨洮功最遷副將賜號博多欵巴圖魯光緒十三年襲攻裸黑間道濟瀾滄江賊竊潰斬其酋張登發開地千里晉總兵頻年越匪亂騏擾各州邑設方略治之邊境以安二十四年除廣東潮州鎮越四年擢四川提督仁壽彭山土寇起焚教堂殺教民勞洶洶岑春煊諭其嫋武略軍事一以屬之用兵數月以次戡定三十一年打箭爐關外泰凝寺喇嘛謀叛率師討平之會巴塘獮動殺駐藏大臣鳳全川邊大震維騏剿撫兼施克要害禽渠率賜頭品秩黃馬褂趙爾巽督川改編巡防軍奏充翼長訓練士卒創設將弁學堂軍民綏城宣統二年卒卹如制覃修綱籍廣西西林隸毓英麾下與維騏齊名

征回有功累遷至參將賜號勤勇巴圖魯從克雲州晉副將更勇號曰隆武宣光之役修綱獨阨夏和清波分兵取嘉喻關復招越民九千分頓要隘綱法軍縊旺前接山西興化後達十州三猛爲敵所據出不意襲克之次年永福戰失利軍潰退修綱仍堅持不動戰臨洮斬其二將夜半時率死士短兵搏擊法人大敗乘勝復各郡縣北圻諸省皆響應修綱出奇兵直搗越南中部而奉命罷戍事甯賞黃馬褂署川北鎮總兵仍留滇歷權普洱開化諸鎮坐事免光緒二十五年起甘肅西甯鎮留滇如故三十一年卒予建祠並毓英祠附祀修綱性忠勇官開化久有惠政士民感頌因寄籍文山云吳永安籍雲南廣西州毓英部將中稱驍果以征回功累遷至副將賜號尙勇巴圖魯從克澂江擢總兵平館驛晉提都更勇號曰額特和賞黃馬褂毓英撫福建奏署臺灣鎮未之官憂歸起治雲南邊防法人浮小舟渡沱江永安乘其半濟擊敗之趨宣光留三營阨守而自閒道還興化合岑軍既而諸軍攻宣光與修綱分阨要隘取嘉喻關攻臨洮戰益利予優敘和議成署昭通鎮討平武定夷匪補鶴麗鎮光緒十九

年卒附祀毓英祠

孫開華字廣堂湖南慈利人少從軍從鮑超授江西戰九江小池口傷右臂援湖北再被創池驛之役夾擊敗敵積財至守備同治初轉戰皖贛間遷副將克旬容金壇賜號擢勇巴圖魯以次攻金溪南豐新城甯都瑞金並下之晉總兵廣東嘉應亂敗賊黃沙嶂降者十餘萬擢提督五年除漳州鎮總兵仍北行追捻入楚其秋赴本官總督文煜累疏薦其才十三年總督李宗羲治江防設霆慶霆匯諸營廈門與臺澎對峙勢險要開華以超舊將被命治廈門海防募勇成捷勝軍赴臺北蘇澳營辦開山詔署陸路提督光緒二年率師東渡賴基隆顧北路其時後山阿綿納納社番畔服廢恆開華領所部抵成廣澳量地勢察番情進駐水母丁悍番分路迎拒開華屢軍屢戰陣斬數人餘敗潰師入高崁直搗其巢潰番併入阿綿其地水湍急弩礮礮石列備奧嶺開華轟擊之縱以火箭復趨道攻其後番駛走遂克之禽其魁馬腰兵等梟於市九日三捷論功賞黃馬褂四年霆慶軍統將宋國永卒開華接統其衆會加禮宛巾老

耶畔據鵠子城師攻不克總督何璟以軍事棘令開華進新城許便宜行事開華浮戰艦入自花黎襲攻後山背四日悉夷諸社斬二百數十級番乞欵縛姑乳斗玩以獻貢之法臺北平被賞賚明年內渡再署提督秋復渡臺九年回任已復出辦臺北防務十年法人來犯時劉銘傳主軍事銘傳故淮軍宿將知開華幹略檄守滬尾初法艦八艘至開華度其必登岸令諸將分伏礮臺後露宿以待部署甫定而敵彈雨坌烟燄躋天逼臺而前開華見勢猛分路截擊自夜至午卻而復前者數四臺既燬短兵接戰開華銳身入手刃執旗卒奪其旗以歸諸軍士見之氣益奮斬馘二千餘級法人遁走歐洲諸國以失國旗爲至辱捷入予世職拜幫辦軍務之命和議成還本官旋予實授十九年卒謚壯武子道仁亦官福建提督同時守滬尾者朱煥明爲最著煥明籍安徽合肥初從銘軍征粵寇積功至游擊平東捻遷副將西捻犯畿疆歸之滄州德平戰數利晉總兵光緒元年臺灣生番騷動從唐定奎往討連破竹坑山內外獅頭擢提督法越之役法軍分道犯滬尾煥明當北路被重創戰益力開華直入擊退之旋

移師臺北平番社軍嘉義鹿港土寇數千薄城煥明率三百人與戰殞於陣事聞附祀定奎祠蘇得勝亦籍合肥從銘軍討擒積功至游擊戰常陷堅賜號勵勇巴圖魯屢遷提督法艦寇臺灣從銘傳守臺北戰基隆大捷記名海疆總兵更勇號曰西林滬尾告警銘軍回援於是基隆再失逮滬尾既復得勝還駐六堵規基隆全軍會月眉山曹志忠將左劉朝祐將右得勝居中敵至左路擊卻之逾歲法益兵攻志忠營得勝領數百人往援戰失利提督梁善明陣亡右師亦潰月眉復不守而得勝已先營六堵築城十餘里諸軍獲安相持月餘和議成始開港旋補建寧鎮仍留防滬尾數勦生番威瘴成疾光緒十六年卒於軍妻徐氏絕食殉焉卹如制妻獲旌章高元亦合肥人初入淮軍累至副將銘傳檄爲騎旅先鋒轉戰魯皖安邱之役以功擢總兵賜號奇車巴圖魯征臺灣晉提督法越事作署澎湖鎮總兵銘傳檄援滬尾滬尾基隆既復論功更勇號年昌阿除登萊青鎮中日失和詔赴前敵駐蓋平日軍來攻戰挫遂退德軍艦襲膠澳被幽旋脫歸稱疾罷卒亂作起署天津鎮徙重慶以病免卒年七十一

歐陽利見字廣堂湖南祁陽人咸豐初入長沙水師轉戰贛皖間積功至游擊
同治改元僞護王陳坤書據太平以兵艦衝尾西上環泊花洋上駒渡期水陸
並進利見領一軍爲前鋒兼程赴難坤書陽令陸路悍黨擊我師船而陰結筏
自下游竊渡利見訶知之率所部長駒乘風浪衝其筏爲二寇大困倚河築壘
矢堅守我師水陸分道進利見駛入花山擊其背運明戰良久寇陣不少動援
軍至始退利見進次馬音街會水師將李朝斌逼花津而陣步騎助之寇潰翼
日復戰陸師將周萬倬遇伏被創利見銳身馳救苦戰竟日焚象山寇舍而寇
船聚泊小丹歸護新市鎮利見進石臼湖擊之獲其船十二艘遷參將四年
攻巢縣信城東門而軍適彭毓橘軍至燔其筏毀浮橋寇入城利見先登克之
遂與霆軍復舍山四日連下三城功最賜號強勇巴圖魯調補狼山鎮游擊克
嘉定遷副將下太倉崑山新陽曾總兵是時花涇港寇壘立與吳江震澤寇
相犄角利見率師破之毀其船二十艘城寇援絕乞降於是蘇浙路梗蘇寇無
固志李鴻章督師合圍利見引兵從迭克要害寇宵遁城復曾提督三年攻嘉

興利見率謝世彩等與陸師夾擊麾衆先登自城上發巨礮轟之城寇駁亂城遂拔以次下長興坤書據常州鴻章舉兵西使利見造浮橋渡濠四面環攻坤書就禽中吳大定除淮揚鎮總兵四年捻至曲阜東南走滕驛渡運東北走蘭山南走郊趨贛榆青口圖南下朝廷憂裏下河詔備淮揚防於是利見率礮艦四十艘泊清江兼治精臺七年黃河暴漲利見乘流至德州運防迺固捻雖屢挫然渡運之謀未已盤旋河東上下利見復下駛援應與諸軍環擊捻益不支事甫質黃馬褂更勇號曰奇車伯光緒六年調福山鎮明年擢浙江提督十年法艦寇福建浙江戒嚴鎮海爲浙東門戶利見以三千五百人頓金雞山防南岸提督楊岐珍以二千五百人頓招寶山防北岸總兵錢玉興以三千五百人爲游擊師威遠靖遠鎮遠三礮臺守備吳杰領之而元凱超武二兵艦泊海口備策應諸將皆受利見節度利見實以兵備道薛福成爲謀主迺量形勢設防禦蒐軍實清間諜杜嚮導申紀律勵客將布利器部署甫定而敵氛已逼法人狃馬江之役頗輕浙福利見督臺艦兵縱礮擊之法主將坐船被傷數以魚雷

突入皆被擊退法艦併力猛進又沈其一敵計窮相持月餘終不得逞事後知主將孤拔於是役殞焉上嘉其功賜頭品秩十五年病免二十一年劉坤一被命援奉天奏調利見赴軍力疾北行卒於道年七十一

論曰法越之役克鎮南復諒山實爲中西戰爭第一大捷摧強敵揚國光子材等之功也開華等復滬尼利見等守鎮海與維賦等偕劉永福之拔宣光並傳榮譽當時挾戰勝之威保臺復越亦尙有可爲獨怪當事者爲臺灣難保之說以自餒其氣致使關外雖利而越南終非我有罷戰詔下軍民解體至今聞者猶有恨焉